

第五〇五冊

博物彙編

神異典

僧部

（卷）
一九一—二〇一

古今圖書集成

中華書局影印

欽定古今圖書集成博物彙編神異典

第一百九十一卷目錄

僧部列傳六十七

明三

本來

清然

法通

文齋

顯全

法聚

秀碧峰

德山

雪梅

鐵牛和尚

德綜

性通

慧才

清源

性真

天童和尚

普明

正智

圓顯

爽菴真者

如堂

水噴雀

泗洲菴僧

文載

明秀

普泰

辨如海

天菴

宗林

真聰

德寶

僧宗

開緣

方澤

白雲

性常

昌崙

圓鏡

西峰

徐和尚

海門

明本

契肉和尚

海性

明龍

月潭



明堅

道濟

紹乾

真節

常樂寺僧

德愛

株宏

洪恩

法會

德清

法忠

真清

如元

孤舟

無遐

妙琴

超乾

樂靜

真源

真可

如安

福全

無著

神異典第一百九十一卷

僧部列傳六十七

明三

本來

按繼燈錄壽昌西竺本來禪師撫州崇仁人姓裴氏七歲出家於本邑觀音寺年十三參見一峰寧付以禪觀之法孜孜究明已躬下事一日頓覺身若虛空心絕邊表行住坐臥不知是誰忽聞人誦清靜經云內觀其心心無其心豁然有省作偈曰幾年外走喪

真魂今日相逢迴不覺斯時金毛石臂力回頭不顧鐵崑崙乃往見一峰望所見寧州時寧已示寂乃往金山見慈舟濟得蒙印出臨隱劍江聖壽寺後野平師過道遣使三請師終不赴父呈偈問道師答以建修之要王大悅授師慈光普照顯悟通江西三山大禪師之號從此道聲遠播四方來學者衆夫遷新城壽昌監大伽藍一日焚香跏趺坐齋畢書偈曰這個老乞兒教化何時了顛顛倒倒任隨流是聖是凡人不曉咄咄來來去去海湛空澄風清月皎擲筆而逝世壽六十八僧臘五十五門人奉真身于師表堂

文載

按河南府志文載號月舟北畿通州人九歲入鄉校讀儒書輒了了十三落髮受戒日習靜業因閱萬松評唱疑其葛藤潛心久之忽自省曰曹洞宗風大播天下有纖錦迴文之妙非鍼線細密盤旋轉折立觸當頭者不能與伊作主也遂參叩少林三周寒暑朗然大悟正德改元少林諸徒以寺久無主舉載名請於祠部住持少林十六載門人以千計開宗飲輝祖教令譽赫隆不蹕而走七十三歲示寂

清然

按陝西通志清然河南通許人自幼爲僧戒行精嚴正德初遊于南山樂其地僻人樸遂久隱焉常修瓊山寺及興教寺或謂其得黃白術云

明秀

按列朝詩集明秀字雪江弘正間詩僧琦楚石九世孫也與孫太白鄭少谷方棠陵沈石田諸人善族出

海鹽王氏祝髮天寧寺晚習定於錢塘勝果山又號石門子老復歸化邑之海門有雪江集三卷

法通

按太平縣志法通居仙王山七歲出家守戒嘗募作仙王殿又豫砌石塔以備自變正德丁丑年正月十九日忽沐浴更衣自云將歸盤踞瞑坐而逝其徒以年月弗利乃殮以棺後一年開葬形貌不殊卒時乃復盤踞於塔中年八十有四

普泰

按列朝詩集普泰字魯山號野庵秦人深禪觀嗜儒學嘗游淮涉江讀書鍾山寺授易郎縣宿裏留襄陽雲夢間還京師住西長安之興隆寺題詩壁間云鳥棲匠氏難求木僧住樵夫不到山楊君謙異而訪之一見連日夜語不去沈石田爲畫楊君謙僧普泰雪夜談元圖山水爲石田畫中第一魯山詩集君謙選定王濟之爲序

文齋

按太平縣志文齋和尚年六十餘提瓶笠寄居望仙潭引靜舍不談禪不持誦止言萬法俱空一善實惟勸人行善而已居數年忽一日語譚云予明年八月十六日回首矣初未之信次年六月一日從譚索錢買缸二口遂別往曩披剃著嶺八里岡菴至八月十五日引子庠生學份偕諸昆季往探之乃邀同視上葬所託比晚煮茗設果談笑自若份請教言誦云人法皆空心自休也無歡喜也無愁風平浪靜言歸去月照寒潭一色秋話畢辭歸方丈誦佛不歇詰晨禮佛畢持蒲團出山門外合掌跏趺向西端坐而化

焉

辨如海

按松江府志辨如海金澤願浩寺僧凡諸藏經悉能誦解禪行精嚴尤工詩正德中與錢修撰編結詩社嘗遊吳門與沈周唐寅輩唱酬年九十餘無疾端坐而逝

顯全

按廣德州志顯全號無礙邑人本姓鄭幼祝髮入開法寺天資穎悟與其徒晝夜禪坐講說人罕識之正德丁丑年五月十五日預示涅槃至七月二十二日午時集衆誦經入定而逝寺僧瘞其骨於殿北建塔焉

天菴

按池州府志天菴正德間太平山僧也游少林回住九華東厓石竇中新建伯王守仁登九華菴謁之守仁與語有契贈之偈云不向少林面壁却來九華看山錫杖打翻龍虎隻履踏倒巉巖這箇潑皮和尚如何留在世間呵呵會得時與你一樣會不得時且放在黑漆桶裏偷閑嘉靖戊子庵去九華還太平山未久一日告寺僧曰千聖本不差彌陀是釋迦問我還鄉路日午坐牛車語訖跏趺而逝塔于西廂前徒孫古明孫公傳衣鉢即葬羅漢寺後太平山衆僧附之今兩塔存

法聚

按列朝詩集法聚號玉芝姓富氏嘉興人年十四出家海鹽資聖寺好爲韻語忽自謂曰出家兒當爲生死嗜此何益遂誓志參學多所咨叩觀陽明傳習錄

謂與禪理不殊乃以偈趨叩明以偈答之一日大衆中明出袖中鎖匙問曰見麼曰見還納袖中復問見麼曰見明曰恐汝未徹在西還結廬於南海漱湖之悟空山聞金陵碧峰夢居之名荷笠往參問董兩湖頌碧峰寺裏有如來莫便是和尚否居云上座還見麼縱見得也是金屑落眼居曰這死漢死去多少時汝來爲他乞命轉身回方丈一日問如何不落人圈積居打一掌云是落也是不落也公即禮拜覺從前所蘊泮然冰釋居入滅徙居武康天池與王龍溪心齋徐天池諸公發明心地會通儒釋之旨嘉靖癸亥五月示寂壽七十有二有玉芝內外集羅近溪陸平泉爲序新安王寅選其詩二百卷

宗林

按列朝詩集宗林字大章餘姚宋氏子年十三出家受具棲隱於杭之安隱淨慈間嘉靖初遊都下屏跡香山開萬壽戒壇詔選宗師爲十座首說演昆尼多所利益世宗皇帝奉元上書規勸請弘護大法上不以爲忤臨終有辭二寶辭世詩題曰浮生夢幻篇及香山夢寐集傳於世武廟初年朝士有以郎官致仕者朽庵取淵明歸去來辭爲題賦樂歸田園十詠送別字畫遒勁前有圖似戴進筆法崇禎初余被放南還燕中故人遺此冊贈別余有感而和之今年以詩冊贈道開局公藏弄於虎丘精舍

秀碧峰

按嘉興府志天寧僧秀碧峰者自幼即不茹葷每日五鼓起誦經禮佛無間寒暑衆中最名有戒行嘉靖壬寅秋忽得病臥牀月餘終日酣睡自言甚適忽一

日起沐浴衣新衣跣跣端坐念阿彌陀佛數十聲既而止呼佛字亦數十聲與徒衆言別而逝越三日神色不變左手捻中指作字右手仰開指猶梗頸骨挺然

真聰

按新田縣志真聰南六都東山嶺人甫七歲祝髮爲僧築室於黃溪之陽明山了悟真空數十年入定於峭壁之下辟穀六載貯鹽於桶跌坐其中戒從者曰越千日乃啓及期啓之宛然如生即建道場於山至今肉身尚在嘉靖三十五年詔贈秀峰七祖禪師

按零陵縣志秀峰禪師生於明正德間晚與邑人蔣黎宗室菊坡相友善築庵於黃溪之陽明山山高與雲齊即見日出故以陽明名之師修行數十年得教外別傳忽一日貯鹽一桶坐化其中其徒即建道場於山其地有銀沙十里鳥道盤折每歲八月初禮者以數萬計靈異不可勝述

德山

按武進縣志德山寧波人少航海爲捕者所誣以盜繫獄十七日得白遂爲僧遇天眼師授法雲遊至城南龍舌尖止焉日以齋僧爲事又募銅鑄佛載往普陀日惟食糠粃冬夏惟掛獄中所衣一衣破則補綴不更易也邑中與唐中丞順之善每云滾湯鍋裏明月中百尺竿頭打筋斗中丞輒首肯之人疑其有黃白術以其造橋梁甚多而未嘗募化也一日跌坐而逝弟子翕葬於寺中

德寶

按畿輔通志德寶別號笑巖京師人錦衣世家吳氏

子也生於正德壬申年二十二披剃於都門之廣慧寺師事了空遍參名山得紹臨濟二十八世衣鉢其傳燈弟子則有天童磬山焉

雪梅

按列朝詩集雪梅吳人也嘉靖中遊金陵蹤跡甚奇不拘戒律日飲茗二三十碗間進酒肉寓報恩寺與叢桂庵十餘年每見法師據高座講經便笑曰亂說亂說間出一語辨駁聞者汗下工詩文自序其詩以寒山拾得自况專修淨土講四書周易皆以新理論學好貶駁新建後往蘇州竹堂寺住僧臘八十餘忽大言曰某月某日某時老僧不寂矣衆僧爲酥銀治齋將餘義悉付酒家至期僧俗雲集雪梅詰之曰你們布施不過三分五分銀子要算功德便來逼迫老僧性命尚蚤尚蚤衆皆廢然散去越數日端坐籠中令小行者呼曰老雪梅老雪梅今日不歸何日歸雪梅自應曰今日歸矣少頃鼻柱下垂而化

僧宗

按東昌府志僧宗一名宗世爲觀城人嘗危坐樹下如泥塑人樵豎過視之乃驚正德初事鐵佛寺住持元明供竈下之役長遊關陝覓師不得居考城十年嘉靖間旋居濮之圓覺寺後依城北馬氏家又十有五年徙居張太常園是時年百有八歲狀如蒼松怪石耳聰目明不減五六十歲人人有扣所養者應云吾但饑飯困眠而已何與知修養事平生澹無所嗜凝靜深湛人莫測其際萬曆間無疾而逝

鐵牛和尚

按德安府志鐵牛和尚未詳何許人嘉靖間劉紹卿

讀書白兆和尚以行脚至衣鉢不脩榮養任力寺僧易之劉一日遊桃花洞強和尚與俱伴臥不起比劉至而和尚已跌坐石上矣始知爲異人也引共難隱風雨晨夕適劉偶有所需於家命奚童以詰朝入郡未及炊家人已至云鐵牛和尚傳主人命呼我然和尚實與劉對坐足未出閤以外也或偶與諸比鄰狎手起柱礎壓衣袂俟其再三懇求始出之或令諸僧縛之微纏層加應手而解神奇種種諸如此類自是與劉縱談只曰可惜可惜如是者經年後不知所終

開緣

按衡嶽志開緣號無盡順天人嘉靖間棲南嶽明月峰尋居永泰峰四十餘年草衣木食悟佛心印後坐化其後有圓昂者參無盡和尚建雲龍寺華藏閣從而說法者五百人

德綜

按畿輔通志德綜嘗遊夔居延慶應夢禪林具足日誦誦法華內典富家資給有贏積輒募工修通濟橋及靈照寺人咸高其行潔嘉靖辛丑道士張雄以幻術聚清峰巖爲亂脅綜入其黨綜罵曰聖朝容爾輩脫賦役爲閒人不爲國祝釐乃倡亂作賊貽禍不細矣雄令縛出就斬綜曰我以善死死猶不死汝以惡存死不旋踵遂遇害

方澤

按列朝詩集方澤字雲望後稱冬裕號無參族姓任嘉善人入精嚴寺種染嗣法於濟法舟戒學俱高稟性穎拔日誦萬餘言詩偈文字下筆無礙一時名士若唐荆川張王屋方棠陵皆敬禮之有華嚴要略二

性通

按蘇州府志三際名性通蜀人李氏幼孤喪明辭家由峨嵋歷難足往還滇南衡湘之間至嘉定建真際庵與王文肅錫爵爲方外交又結潮音庵於婁際既警以耳受經又能爲人講所至闡揚宗旨縑素信悅

白雲

按松江府志白雲薙染南禪寺年二十四五時遇一道者授以定靜之法精虔有德後又遇之欣然謂曰汝已小定矣非大定也此後乃向靜中求之亦常以瑜珈教爲人所願昭應赫然居常注陀羅尼呪得力一日跪禱大士前祈賜靈應忽覩所供淨瓶水湧沸尺餘後以供水療病人輒愈人比之錢喜菩薩云隆慶二年示寂所著有白雲心法周思兼爲之序

慧才

按松江府志慧才嚴氏子號塘雲南楊林人已有室一日讀金剛偈有感投禮永泉寺月空薙染尋往安寧州參普通和尚發明指歸又偕同行善友雲遊日唯一食適吳歷越請益於天如老人復於佛慧講肄遍聞諸經與義未依雙徑萬松禪師門風高峻不輕許可才口訥心通造詣親切得受記莚嘗指金天示之才始號天育至是復稱西照陸文定樹聲入浙詢知師賢延之馬嶠寺專修淨業感化非一隆慶四年十一月十三日端坐而化世壽六十一僧臘三十三塔于余山時蒼山無著皆至郡中與才鼎立法席緇白歸仰稱雲間三禪

性常

按松江府志性常號高峯雲南人薙染於伏牛山飛錫馬嶠禪寺與天育蒼山無著往還參契學憲周思兼訪之叩以宗旨曰除却眼前更無工夫親切處深爲心折請益者雲集一時傾嚮後示寂寺中至今奉爲宗主

清源

按松江府志清源字雪泉華亭陸氏子七歲學經誓願出家投北禪寺坎峰榮禪師祝髮常持金剛般若至若見諸相非相即見如來一時空蕩覺習風稍斷伏牛高峯常禪師至寺源晨夕請益遂蒙開示天育禪師示許爲法器遍參無極東巖辨融蒼溟諸者宿指示不二歸結觀音閣宴坐其中世壽六十餘而化

昌昌

按松江府志昌昌號雪庵四川銅梁人族姓曾氏幼不如輩八歲祝髮爲僧下巫峽順流東邁抵雲間住錫於坐化庵已居馬嶠寺學士大夫多從之遊時巡撫張佳引亦銅梁人行部松江者再謁匿跡不以聞又於巴峽中構赤松招隱二庵以待但報謝無他語佳引官罷京復寓書招昌至天界居但云此皮囊何地不可遺恐老僧先歸而公尚未得歸也未幾示寂

性真

按池州府志性真東流人棄家學禪遂成禪癩老而通慧言事多驗常居百崖驛野家居杏溪弭虎患居香山口治妖祟居斗坑祈雨皆應住廬山洪堂庵年八十矣一日屬其徒作龜積薪爲室自焚去今山民祠之每旱禱輒雨

圓鏡

按明高僧傳陽州石室寺圓鏡汾州臨縣人早歲出家游心賢首講肆得悟諸經密旨嘗遊平陽府陽州妙樓山石室寺隨緣爲衆說法一日至北門瓦寄坡土壘構一菴如龍燕默其中忽囑其徒曰吾將歸矣衆請其期曰來日耳晨興沐浴更衣焚香趺坐說偈而逝

天童和尚

按池州府志天童和尚河南人童時有至性自願出家父母不能禁拜僧廣安爲師常語人曰我杉山和尚也嘉靖十五年遂同慶安攜杖而南慶安居貴池之仙女山師居杉山日誦經禮佛或口占爲詩二十五年春先期三日自稱示寂下山謝諸檀那拜慶安遍拜衆僧趺坐而逝

西峰

按太平府志西峰祖師青陽童體僧也年十四五以省其母之外家至薛鎮遂止不歸遇歲旱謂男氏曰若欲雨乎我能立致男嗤不信乃自製鐵鑊吹之又作罵天歌其辭甚亵歌之遂得雨圓寂後凡早祈禱輒應遺像存福聖寺中萬曆間有郡守載其脫身并鐵鑊去中途舟覆俱沉江中采石漁者捕得大魚剖其腹鐵鑊出焉上刊福聖寺知爲祖師物訪歸之崇禎五六年連旱居民出蓬吹成聲未幾大雨其靈異如此

普明

按太平府志普明號無用淮人初爲講僧住采石乳山庵三十餘年魯不至席每夜坐有燈自天而下懸於松巖人皆見之庵無并苦遠汲師取土塊定泉脉

謂其徒曰下有伏龜即得甘泉掘之如其言今傳晉明并云

徐和尚

按溫州府志徐和尚名愷樂清人岐人嘗漁海上漁舟時有行剽者或曰愷亦在焉一日大悔所爲因祝髮爲僧於是開沙角路平洞橋嶺砌郭公橋費數千百金愷持短疏往募無勿與者縣東白龍山禱雨常應鄉民欲起龍宮顧山高石遠轉輸不便召愷計之愷經營四顧惟旁有巨巖匠人以爲不可擊忽有白髮鬚老父謂曰盍鑿此石足了一宮因遺之米數升而去時鄉民雲集愷以米少人衆不足供備糜姑煮之既而食者盡飽比宮成而石亦盡試鑿他石堅不可破矣由是知和尚非常人也

正智

按溫州府志正智號臥雲通經典說法能闡宗風初住能仁寺繼興羅漢寺後復結茅於鴈湖頂上安禪枯坐者十餘年有宗藩聞其名召而禮之手書贈詩曰臥雲和尚傍龍湫久鎖禪關沒世幽苦行多年渾自在爲余有意下山頭

海門

按靖江縣志海門字泓霍楚之鐘祥人精湛內典嚴於戒律樂靖地靜僻因卓錫焉言其道明白洞達不墮影響聞之者皆豁然有悟或勸之說法答曰說法者大都爲名耳吾正欲掃斷名心有何法可說哉與邑人沈其旋倡建楞嚴庵圓寂後塔墓其地

圓顯

按無錫縣志圓顯邑陳氏子幼不苟輩不踐生草出

家於知微山房戒行精勤博通梵典不出山門五十年老著惠山記十卷

明本

按四川總志明本漢州人少育於姊丈高晨家代薪爨一日載薪山中驢不行怒砍其耳血流被地心即悔悟遂祝髮爲僧入什邡高山寺安鉢功行極苦坐化之日人有自荃華山者見本隻履入山云失一履於禪榻下可令吾徒寄送見者至方知其已化云

爽庵真者

按廣西通志爽庵真者得一切觀智遠遊匿跡或有問其里姓但曰廣西人以故不知何州縣問所師授搖首不答有固問者但曰吾師觀世音而已去就無常莫知其所終

吃肉和尚

按蘇州府志吃肉和尚不知名字遊丐吳中將十年能食肉一頓盡數十觔或四五日不食其色黃瘁而神清叩之無答夜宿北寺門下巡按御史王濬親臨視之亦坐不起惟摸其帶笑焉死時謝常施食者爲乞水飲二三石盡洗腸胃乃化

如堂

按武昌府志無相名如堂南陽人也始師有沉痾之疾住岳陽深山中誦持蓮花經二十一夜夢金臂人飲以玉露疾遂瘳掛錫出泥庵三年忽一日語人曰本以十月行因修懺事展留一月旦日西時予逝矣及旦參禮十方佛畢跌坐久之奮身呼曰去衆請曰師何去曰竟往佛國旋見火光鑿鑿化作金蓮花而上

海性

按蘇州府志海性號湛川崑山人神采英毅髯鬚接鬢壯年薙髮居堯峰龍洞中體不帖席困倦不支輒以頭觸石每日辰巳間持鉢出忽大雨至午不休因持過午戒遂絕粒明日雨復不出第三日始循村行乞一田婦見性來以袖掩釜中飯且走且謔云罄矣性發大憫心謂慳貪不捨人餓鬼道吾必度此婦佇立移日不去他人與性飯弗受也薄晚困欲路不覺屈膝已夫荷鋤歸譙讓其妻一村閭然羣大叫號性恍如夢醒豁然見父母未生前面目其初受具作務必先見積廚不充即托故不食見寒者解衣衣之有憐其寒而予之衣其轉施猶故也予衣者詳之性曰學道者身可捨何有於衣施者曰汝能捨身而投池水乎性遂躍身赴水衆挽之出性曰吾擲此身換清淨法身耳已入龍洞久之遊燕都至五臺行諸苦行事老僧如奉至尊主病堂如養父母未幾南還阻雪下邳續施盡繼以中襦僅存敗衲兩腋股垢血流及踵有製衣授之勸自煖者却弗納過一村墟哀其窮欲與植福募三日罔應一達官子邀之至家性不忍違初志徘徊村墟自若達官聞之饋金錢布帛頗饒性是晚宿招提見衆僧廣果面顰即所受立罄矣居龍洞始構一團瓢南還後善信膺集於是殿堂樓閣悉完整又於西麓復宋之興福菴四方參叩者日衆或時絕糧性每棹孤艇往來城市間隨緣誘化甚且貸及子母錢以應之及將示寂忽語徒曰未完事急完之至秋當去果然

水噴雀

按太倉州志水噴雀不知姓名何許人冬月常浴水人戲呼水噴雀僧即應因以名一日忽自言當明日午時去至期人聚觀作偈云水噴雀水噴雀四十五年無歸著今朝鼓翅向天飛萬丈稿竿黏不著偈畢遂逝

明龍

按明高僧傳北直羊山秀峰庵釋明龍淮南宿遷姚氏子也俗諱東陽嘗補邑庠諸生居常好修嗜內典二十年不問家人產雅從善知識遊隆慶改元遽然爲居士而北探諸名勝巨刹訪有道者德寓清苑越三寒暑登銀山法華寺從大光和尚祝髮進具尋居羊山秀峰庵名德日起鶉衣一衲不積不積不履諸陵中貴人多植施弗之顧安七十二衆期日親爲說法闡三教宗旨時休寧汪司馬道昆奉詔行邊道由諸陵期督府法華寺聞師高德乃起一沙彌逆至見師敞衲會不掩軒邪寒無所侵汪與督府遊席禮之攜入洞中坐石牀與語師略舉西來意督府灑然信服汪問千日畢能作常住乎曰無常無住明日辭歸越旬有五日立春羊山放光五色又越七日除夕集衆告曰元年元日吾當行矣汝等識字者用耳聞經不識字者用心念佛務禪定智慧務濟物普心即此是佛慎弗他求汝等勉之除夜既半命弟子視中星曰夜午乎曰午矣師曰未也日午乃行元日羊山復放五色光如嚮至日中師辭衆坐化越七日閣維復放光如嚮大衆與諸中貴人望光對師羅拜曰佛耶佛耶願以此光普照下土已而舍利累然督府治塔藏之汪公爲之銘實萬曆元年正月也

泗洲菴僧

按浙江通志泗洲菴僧不知何許人嘉隆間住泗洲菴戒行嚴謹機鋒不露遇歲饑糲菜葉及草卉食之無芥客年七十餘忽自往市大缸二置菴後穿土先瘞一缸以一缸真其側一日囑其徒曰某日當西行三日後昇余坐缸中以外缸覆之即覆以土毋效俗僧多事至期跌坐

月潭

按太倉州志月潭和尚楊氏子出家五臺山受具足戒遊蜀叩樊山中最久隆慶辛未來婁弁州兄弟築室居之萬曆丙戌示寂弁州稱其不備三衣不強中食初得疾水飲五日絕水二日浴畢使誦無量壽佛經聽已坐化世壽一百十三僧臘九十八

明堅

按嘉興府志明堅雲岫菴僧也菴初廢於正德辛未堅以是年始生至隆慶辛未堅從百法寺來卓錫於此菴復興堅精嚴戒律經年閉關跏坐緇素多敬信之

如元

按嘉興府志蕭山史氏子少有室乘之入雲岫投堅師披剃叅宏法師受具足戒復歸雲岫力修淨土不窺戶閤者二十餘年所至密跡潛蹤人自依依不能去

道濟

按嘉興府志道濟字法舟嘉禾人也張氏子少爽拔未嘗入鄉校而議辯宿成爲里中所異年十八忽猛省白父母求出家不許日夜跌坐不事生產遂入天

寧寺爲行者後依古庵禪師朝夕參叩偶行廊廡間聞佛殿磬聲豁然有悟昨即可之繼謁古印雲峰諸師日益深奧至長安覺王寺受請爲第一座室中乘拂橫機無所讓後徙鹽官徙武康由金陵還攜李天寧暨靈光諸利繼又買舟南湖信風而能不決攸往舟之所向歡聲載途舟之所背罔不自失未幾棄去入湖之弁山復自弁山歸天寧禪堂遂終老焉

孤舟

按四川總志孤舟禪師姓氏未詳萬曆初至真安禪溪寺面壁數年一日謂主僧曰明日予逝矣寺外二樹將折一折有聲即長老一折無聲即予也次日二樹果折念偈曰勘破無無世界了然何物心頭自性已歸圓寂清風明月自由端坐而逝

紹乾

按四川總志紹乾號一清後更號萬竹性恬淡篤學葺茅峨山雪巖僅可容膝茹菜三年神氣和暢還成都道友犀泉結廬百花潭上直究心宗一日幡然若醒嚮道甚力入南都講肆聽者如市復往席五臺刺血研金書法華九載萬曆初入燕京棲普賢庵刊行彌陀箋註講演諸經陳李二太后遙授紫衣敬禮之時驚峰寺有梅植像人皆莫知其源乾一見識之曰此優填王所刻世尊像也當時佛摩頂記云千年後當往震旦利益有緣人故今屆期自出耳後還成都蜀王造講堂於浣花溪側居之一日登堂集衆端坐而逝

無退

按四川總志無退不知何許人居九峰山絕頂修行

時往來村落中見村民馬安女甫遇歲有病以破布
縐餌之立愈又曰此女當貴後適庠生趙之辛果封
恭人常至縣詣邊氏家一徒羨其修麗曰汝樂之何
不遂來後三日徙死邊氏舉子哭不食乳師往探摩
其頂曰既來何須哭耶子遂報哭一日語弟子治齋
邀諸山作別諸僧至舉齋一笑而逝

眞節

按明高僧傳應天棲霞寺釋眞節號素庵襄陽人也
少爲郡弟子忽宿根內萌辭割親愛禮明休和尚祝
髮既而北遊京師徧參講席居秀法師座下餐餐法
喜深得賢首之印師之學富內外諸方每以龍象推
之久之負錫南遷金陵出主攝山棲霞衆逾三百教
備五乘據師子座過大法鼓三十餘年檀施之餘拓
地爲廬時殷宗伯得耶耶大士像五臺陸公亦鑄金
像悉歸師供奉羅參知署曰圓通精舍句曲李石菟
學士盟爲方外交師闡大法不以期限嘗講法華經
至多寶塔品空忽現寶塔於座前一如經言四衆鼓
觀灑然希觀中使張某奉慈聖皇太后命至同觀聖
瑞乃出尚方金錢僧伽梨衣一襲宣慈旨賜之卽於
講堂之西建一浮圖以徵神化汪道昆記其事

妙琴

按四川總志妙琴字無絃華陽人母高氏有娠每見
異像生而姿貌奇古善詩工書畫里人得一紙珍重
如寶入楚又以畫牛得名稱牛和尚返蜀住草堂構
室檀東有梅萼千株畫梅入妙自號梅屋老人學憲
五岳陳公嘉重之與琴賡詠萬曆九年跌坐道場而
終

常樂寺僧

按合肥縣志常樂寺僧肥之北鄉人隆萬間修淨土
業苦行數十年久之積薪十餘挑莫曉其旨至日沐
浴辭大衆登腳坐其上言貌如常衆環伺之僧張目
曰何須爾俄見青碧焰光騰騰若電自口鼻中迸出
燃柴燭其軀頃刻而盡復舍利數十粒惜逸其名

超乾

按武進縣志僧無知開法寺僧出家時方田野航師
見其不凡命名超乾令事火頭三載朝夕勤勞復職
園頭芟鋤灌溉不倦行住坐臥惟持金剛經所得布
施隨手轉施於人甲子歲年六十六月二十八日忽
向堂頭云初一日午時別師逝矣堂頭問汝有何見
解能去如是答云只是一箇無得無說一句至七月
朔焚香禮佛告別大衆踴躍前行入竊跌坐堂頭爲
舉火龕頂清煙直上一時而化遠近禮拜者千數

德愛

按四川總志德愛常自號印心華陽人生而失怙恃
乳媼不飲茹者方咽乳七歲出家聰慧好道通儒佛
衆知醫遇病輒施藥救之壬子歲荒餓僧及流民活
者甚衆晚年歸刹止觀樓禪臨終西嚮說偈而終鼻
下雙珠尺餘光彩瑩然是夜西上紅光竟夕不散

樂靜

按四川總志樂靜安邑譚氏子嘉靖壬辰祝髮南嶽
還蜀嗣海藏住道峰院萬曆十一年元旦素筆書偈
曰只此邇幻影相隨六十餘年橫眠三界刹那無
處顛倒人間皎然空花影絕見聞寂寂虛閑問取雪
菴面目處處綠水青山書畢脚跌而逝

孫宏

按列朝詩集孫宏字佛慧號蓮池俗姓沈氏仁和人
年十七爲諸生三十二歲辭家祝髮偏參諸方煉魔
於伏牛參徧融笑巖於京師皆有開發過東昌有悟
作偈曰二十年前事可疑三千里外遇何奇焚香擲
乾坤如夢魔佛空爭是與非初發足參方從發究念
佛得力至是乃歸併淨土一門普攝三根乞食梵村
見雲棲山水幽寂遂有終焉之志結茅三椽絕糧七
日倚壁危坐已而環山多虎患師發慈悲諷經施食
虎遂遠徙歲大旱擊木魚徧田念佛雨隨足跡而注
居民德之遂成蘭若道風大扇四衆欽集首倡毗尼
以立基本單提念佛以攝禪淨人稱雲棲菩薩精嚴
傑出諸方念佛專動遠追蓮社而不知其祇在禪指
末法深心密慮人固未易測也住山三十餘年以乙
卯七月別衆示寂臨行張目云老實念佛勿捏怪勿
壞我規矩向西念佛而逝全身塔於五雲山之麓夏
八十有一愁山大師銘其塔曰師以平等大悲攝化
一時非佛言不言非佛行不行非佛事不作佛囑未
世護持正法者依四安樂行師實以之先儒稱寂音
爲僧中班馬子謂師爲法門之周孔也師所著述多
發揮戒淨法門不事詞藻爲後學所宗誦焉

眞源

按寧波府志眞源號冲庵姓孫氏少業儒年三十出
家隨侍蓮池師質心篤行爲高座弟子自言生平未
嘗出一妄語萌一妄念著有金剛楞嚴疏解赴講席
數十處挹其道貌如坐春風自念福薄不受人禮拜
年八十一端坐而逝異香經宿不散

洪恩

按列朝詩集洪恩金陵黃氏子年十二出家長干寺剪髮于元崇塔前長于慈山大師一歲比肩爲沙彌無著天親如也事無極法師般若內薰夙習頓覺讀內外典利如奔馬不勞問辨而堂奧歷然以無師智得大辨才慈大師北遊遂以弘法爲己任日據華座講演諸經盡掃訓故單提本文拈示言外之旨恆教學人以理觀爲入法之門說法三十年如摩尼圓照化雨普沾賢首一宗爲得法弟得繼席者以百計乘法而轉教者以千計南北法席之盛近代所未有也公高顯廣觀肌理如玉具大人相所至輒施雲委不推不戀博通經史攻習翰墨登山臨水聽歌度曲隨順世緣了無迎拒晚年開接待院於吳之望亭日則隨衆作務夜則篝燈說法以積勞示微疾沐浴端坐說偈而逝歸葬於雪浪山余爲補撰塔銘公年十八佛法淹通乃留心義學聽極師演華嚴大疏五地聖人於後得智中起世俗念學問技藝涉俗利生嘗言不讀萬卷書不知佛法博綜外典旁及唐詩晉字帷燈晝被日夜不置丹黃紛披几案盡黑萬曆中江南開士多博通詩翰者亦公與慈大師導師也江夏郭文毅公爲南祭酒僧徒謂公於郭公僞爲公批抹郭公詩集御袖以示之郭公大怒遂公僅而得免先是慈大師在長安郭公以詩就政大師信筆評定多所是正郭公心弗善也已而聞雪浪嗤點之語頓足曰何物二老禿皆有意擲揄我其怒益不可解慈爲余言如此

真可

按列朝詩集真可字達觀世居吳江太湖之濱族姓沈氏五歲不語有異僧過其門摩頂謂曰此兒出家當爲人天師言訖不見遂能言兒時志氣雄放不可羈勒年十七仗劍遊塞上行至蘇州遇雨宿虎丘僧舍聞僧夜誦八十八佛名心大悅侵晨即解腰纏十餘金授僧設齋剃髮二十從講師受具戒泰張拙秀才偈頭面俱腫一日忽悟腫處頓消自是凌轢諸方嘗曰使我在臨濟德山座下一掌便醒安用如何若何過匡山窮相宗奧義遊五臺至京師參徧融笑嚴諸老發明大事歸吳復榜嚴廢寺於嘉禾刻刻藏緣於徑山再入燕訪慈山於東海復戒壇於檀栢西遊峨眉山下瞿塘過荆襄登太和憩匡廬復歸宗古寺師相好端嚴眉目秀發所謂雲門堂堂氣宇如王戒律精嚴如銀山鐵壁真可梯傍接引爲人如蒼鷹攫兔一見即欲生擒心愈慈手愈毒入其室者凄然煖然靡不毛伐骨換所至護持正法摧伏外魔賢士大夫焚香頂禮涕淚悲泣果以爲人天師也師在匡山聞慈山以弘法被難遠戍雷陽歎曰法門無人矣南康太守吳寶秀以礦稅被逮其妻投繯死歎曰閨人橫行至此世道不可爲矣乃決策入都門謂人曰海印不歸我爲法一大負礦稅不止我救一大負傳燈錄不續我慧一大負捨此一具貧骨釋此不復走王舍城矣先是師遊石徑山得琬公所藏貯佛舍利慈聖皇太后迎入內供三日特賜紫伽黎神宗手書金剛經汗下漬紙遺近侍質問師以偈答曰御汗一滴萬世津梁無窮法藏從此放光上覽之大喜及妖書獄起逮入詔獄有旨下所司審問而執政者意在釣黨

欲牽連殺師上初不知也師既被笞血肉俱瘡笑曰世事如此久住何爲索浴說偈堅坐而逝時癸卯之十二月也師化後待命六日自春及秋霖雨漂浸南還又十二年葬於徑山茶毗之日肉身儼然舍利無算

法會

按嘉興府志雲谷禪師諱法會胥山鄉人也薙髮大雲寺年十七遊天寧遇濟法舟策發之遂攜錫遊方至陽羨見古林禪師教參一歸何處語豁然有省晚歸大雲隨方引誘從而歸化者數千人萬曆二年冬主三陳禪會擇日端坐瞑目而逝入龕五日迎歸大雲怡然如生

如安

按淮安府志如安山陽人幼穎異齋食飯依竺乾究內典涉獵儒書善鍾王墨妙工聲詩弱冠自視髮大悲庵師古燈和尚已而遠遊四方禮名山印心少室二十載還淮以大小乘定慧等法根引喻習慧忍行藉藉人士互相證議郡守邵元哲更寺額通源周刑部三錫爲建妙法堂郡守宋祖舜卿縉大參高登龍伯仲捐金二百餘爲置常住田二區膏十方僧遂辟穀五旬擇新秋日坐化面不改色葬於烈女祠西所著詩文即心諸錄藏於龕

德清

按列朝詩集德清字澄印全椒人俗姓蔡氏年十二辭親入報恩寺與雪浪恩公並事無極法師內江趙文肅公摩其頂曰兒他日人天師也師以江南習氣軟暖宜入春冰夏雪苦寒不可耐之地以痛自磨厲

飄然北邁泰徧融笑岩二老偕妙峰登公樓北臺之龍門老屋數椽在萬山水雪中日尋緣溪橫竹危坐其上忽然忘身衆籟間寂身心湛然如大圓鏡大事既徹光明四照慈聖皇太后建祈禱道場於五臺師與妙峰實主其事光宗應期降誕師乃棲東海之牢山慈聖遣使再徵不能致布金造寺賜額曰海印居十三年而黃冠之難作飛章逮繫拷掠備至按慈聖前後所賜帑金以二十萬計師從容仰對謂當體聖孝存國體賑餓三千金有內府簿籍可考乃坐私造寺院遣戍雷陽以丙申二月抵戍所獲餓三年白骨蔽野如坐屍陀林中遂成楞伽筆記親衣見大帥執戟轅門效大慈冠巾說法乃構丈室於行間時與諸來弟子作夢幻佛事乃以金鼓爲鐘磬以旗幟爲幡幢以刁斗爲鉢盂以長戈爲錫杖以三軍爲法侶以行伍爲清規以吶喊爲潮音以參謁爲禮拜以諸魔爲眷屬居然一大道場也居五年住錫曹溪大鑒之道勃焉中興甲寅慈聖實天詔至乃慟哭披刺返初服於是東遊吳越赴紫柏之葬於雙徑甲蓮池於雲棲結庵廬山五乳峰下效遠公六時刻漏專修淨業居四年復往曹溪示微疾沐浴焚香集衆告別危坐而逝天啓三年之十月也師化之次年弟子居廬山者奉全身歸五乳塔而藏焉以何以地之不墨食謀改葬弗果粵人官南康者復奉其龕歸曹溪將茶毘啓而視之膚理柔輭鬚髮郁然乃加髹漆奉於六祖眞身之側去五乳葬時又二十餘年矣師身長魁碩氣宇堂堂及物利生機用善巧如日暄雨潤加被而人不知稅礦之使所至如毒龍乳虎師以佛法攝受

莫不心折首俯作禮而去所全活兩粵生靈不可算數詔獄之詞引辨得體上全兩宮慈孝人始知師於牢戶瘴鄉皆能現身說法陰翊王度非虛語也師之東遊也得余而喜曰法門利竿不憂倒却矣燈地月落晤言臺壘所以付囑者甚至衰老無聞偷生視息錄師之詩而略記其行履不自知清淚之沾漬也師少與雪浪留心詞翰晚而伸紙信筆都無思議一一從光明藏中流出世諦文字固不足爲師有無雪泥鴻爪亦略識其應跡云爾

福全

按山西通志福全號妙峰七歲祝髮依蒲坂萬固寺印和尚習瑜伽法忽見永明禪師講楞嚴即解悟度海謁補陀同至淨五臺寺龍翻石刺舌血書華嚴一部修建無遮大會神宗聞而嘉之賜繡冠繡衲眞來佛子之號移錫蘆芽造萬佛鐵塔鑿萬佛石洞峨嵋造銅殿一五臺一華山一俱莊嚴精妙太原建浮圖於郡城上慈聖太后佐以金錢塔成雙峙名曰宣文後歸臺山跌坐而逝羣鳥悲號異光匝地兩宮遣中常侍賜祭葬焉按臺蘇公惟霖贊曰眞來佛無一物苦竹空莊嚴間山鳥鳴聖凡哭哭不徹塔中骨

法忠

按歙縣志法忠號敬堂邑曹氏子生而好端坐不與羣兒嬉年十九遇大機和尚遂剃染焉行腳至少林依大千潤叩單傳之旨復走長安謁遍融月心指示心要有所領悟尋遊五臺訪妙峰於冰雪中棄去入伏牛火場調煉三業南還登匡廬之雨天坪喜其高勝遂居之衲子雲集成大叢林劉雲嶠額其寺曰雲

中忠居恆訓導有方隨機利應發言痛至無不心領樂安王父子致敬延禮終身不懈陳赤石葛屺瞻輦咸相造訪住雲中二十餘年如一日視十方衲子如一己蓋其是具足行門者也世壽八十而終慈山德清銘其塔

無著

按列朝詩集無著字了虛宜與人住銅官山中通脫疎放傲然自得見人輒叉手高坐不縛沙門威儀遊虞山與瞿元立嚴道微善嘗立三年禪期掩關北山未決辰笑入元立坐中元立怪問之曰吾不耐枯坐作死人已破關出矣馮開之嘗問曰近日山居作何功課答曰讀得晉書一部其坦率如此紫柏老人知其高伉欲折服之紫柏在東南輒避數百里外伺其去而後返余嘗問公何故畏老人如虎笑曰老人非四目兩口怕吃他一頓痛棒耳著公好作小詩余爲書生嘗以寸紙作小字示余多超然之致後示寂陽羨山中惜其詩不存

眞清

按明高僧傳天台慈雲寺釋眞清號衆先長沙湘潭羅氏子也生而穎異脩幹玉立威儀嚴肅不妄言笑日誦經史數千言終身不忘一字父爲河南縣尹常對賓朋以大器期之年十五補邑弟子員偶有異僧過而目之曰此法門之良驥也十九因家難起遂投南嶽伏虎巖依寶珠和尚維業受具足戒令看無字話自是一心發究寒暑不輟至二十五從珠遊金陵探禹穴因舟觸岸有聲忽有省珠大喜曰幸子大事已明善宜保護珠以年高自普陀棲隱於下天竺時

內臣張公未募珠道行密奏張太后賜紫色僧伽黎衣以徵其德珠忽一日命師曰吾欲觀化無令人入聞吾聲聲當啓戶數日不聞動定師密窺隙隙見珠鼻柱垂地越一日聞聲師方排闥而入珠已泯然逝矣珠既化去師乃訪鹽官古蹟駐錫覺皇俄患青疾感雲長入夢授藥病愈時佛慧寺月溪法師講起信論於吉祥豔師乃率衆延唱臨濟宗旨衆扣師宗師從容語之曰圓宗無象滿教難思我若有宗可講非但法堂前草深一丈即真空亦爲絲慮之場汝若有法可聽豈特頭上安頭實際却爲聲名之境三世諸佛歷代祖師不過以楔出楔隨迷遺迷是故會旨者山嶽易移乖宗者鑄錙難入兄起信之旨大徹宗乘何須更煩惓惓之衆皆稽首而退師乃南遊天台窮搜勝跡懷無見觀之高風誅苾芻其塔前三年有荆山法師赴石梁之社偕師至毗陵末慶互以楞嚴參究荆山歎曰某所講經雖精微于佛語聞師所論誠出卷於塵中師欲返初服而禮部唐公荆川留結千日之期已而復歸天台古平田寺臨海王司寇敬所入山訪道訂爲方外交隨還華頂天柱峰修大小彌陀懺六年暇則敷演十乘闡明三觀故四方學者雲集戶外之履常滿一夕夢琳宮綺麗寶樹參差見彌陀三聖師方展拜傍有沙彌授與一牌書曰戒香薰修寤知中品往生之象也蓋師日勤五悔密持梵網心地品及十六觀經爲常課是亦精誠之所感耳嘗示衆曰大乘八萬小乘三千實整六和之模範出三界之梯航也今世之高流輕蔑律儀惟恃見解遂令後學不遵佛制輒犯規繩本自無愆誤造深罪饒

他才過七步辯若懸河不免識重鐵城終未解脫汝等勉之萬曆丁亥八月慈聖宣文明肅皇太后遣使降旨褒崇賜金紵紫方袍以寵之十月王太初居士因丁內報請師就永明禪室開妙宗鈔百日爲期時台郡王理刑某親登雲嶠而設供焉戊子歲儉率盜蜂起相戒無敢入師之室楊李五臺居士陸光祖虛芙蓉之席見招辭不赴忽謂衆曰桃源之慈雲實懶融四世孫爲開山唐天寶賜額曰雲居山曰安國五代德韶國師中興爲第二道場未明壽禪師剃髮之所今坐禪石永明菴故址在焉韶公常領徒五百說法此地昔螺溪寂法師請復台教諦觀亦親禮足皆此寺也今爲豪民奪之將爲掩骨之所竊思朝廷千數百年之香火一旦爲俗子葬地誰之罪也遂罄衣鉢贖歸之將謀興建俄雲間陸宗伯平泉聘說法於本一院李方伯冲涵聘講於桐川再舉返棹嘉禾龍淵歛抱疾告門人曰夜來神人啓我爲魏府子其富貴非吾所志也遂付衣鉢遺囑弟子如法闡維盡發長物於五臺雲棲西興五處飯僧有勉服藥石者師謝曰生死藥能拒乎吾淨土緣熟聖境現此人間世固不久矣是歲正月七日乃絕粒惟飲檀香水而已期於二十九日告終每日雖米漿不入於口與衆說無生法誨論進修而拳拳弗倦至夕乃起別衆曰吾即逝矣無以世俗事累我衆請日和尚往生淨土九品奚居曰中品中生也衆曰胡不上品生耶曰吾戒香所薰位止中品言畢泊然而逝延五日顏色紅潤如生手足溫軟怡容可掬弔者無敢下拜茶毗日天色霽明淨無纖翳舉火之際忽有片雲如蓋凝覆

其上灑微雨數點煙篋起時異香充塞內自殿閣僧房外自路人船子所聞種種隨力不同火餘骨有三色而鏘鏘有聲紅者如桃白者如玉綠者潤似琅玕猶香氣郁郁師生於嘉靖丁酉十二月二十六日示寂於萬曆癸巳正月二十九日世壽五十七臘三十八如握抱骨初建塔慈雲之南岡壬寅遷於寺西螺師山右繡文溪之上武塘丁凡居士袁黃撰銘

欽定古今圖書集成博物彙編神異典

第一百九十二卷目錄

僧部列傳六十八

明四

廣印

靈基

善岩

欽義

通凡

德乘

性一

圓澄

明方

性祇

斯學

祖住

顯光

通潤

慧浸

寶岷

常忠

正道

慧經

元白

覺源

顯光

五乳和尚

傳燈

宗淨

廣心

不昧

如慈

慧秀

寬悅

明雪

道衡

海寶

賢能

常潤

古心

廣潤

法果

明河

正傳

慧嘉

觀衡

超宗

明得

海融

弘德

雪軒

圓輪

古松

大瑞

無心和尚

海然

讓大師

廣叔

海貴

麻衣僧

雪空

神異典第一百九十二卷

僧部列傳六十八

明四

廣印

按列朝詩集廣印字聞谷嘉善人年十三祝髮于杭之開元寺叩儀峰和尚於西蜀習台宗於介山受菩薩戒於雲棲攝淨於西溪法華畢丁四年上雙徑結茆白雲峰影不出山者十載歸於湖之菁山瓶旬法施雲湧變為寶坊棄而南遊隱建州之廢寺三載復歸瓶旬禪淨雙提規矩疊為東南發席之最年七十歸老示寂師器宇冲和神觀開止窮老參究終不以悟自居堅辭僧衆不許開堂數年退院七載南遊腰包杖錫飄然於荒山野水之間孤行獨往捨大法於衰殘充塞之餘紫柏雲棲海印入滅眞修退藏密傳三老之一燈者印公一人而已

傳燈

按天台縣志傳燈字無盡號有門姑蔑人中興台教恢開圓宗重建高明講寺復棚榜嚴懺壇著述楞嚴

圓通疏維摩無我疏天台方外志等數十部凡弘台教者咸以幽溪爲中興始祖其餘講無生論天樂鳴空開蓮花社瑞敷靈沼種種神異莫能具載

靈基

按温州府志靈基號慧目永嘉王氏子生時白光照室衆聞異香年十三遊學舍中見夕陽返照頓起證道之念後禮天台有門和尚授以見工夫戒行精嚴爲衆所推服林太史增志延之開華峰山即古雲頂遺迹也李中丞光春又請主西竺寺自後屢升法席闡明經義參元聚律者踵首相繼一日至仁王寺謂侍者曰吾報終是月矣即返棹歸山有弟子岳式者忽夢日輪隕於大海是夕師逝

宗淨

按繼燈錄杭州徑山月江宗淨禪師金華蘭溪倪氏子髫齡從邑之正覺院文譯祝髮受具因誦楞嚴經至如標月指處豁然有省往參雙林正庵問奇之印可出世歷遷至徑山臨寂書偈曰祖師門下客開口論無生老我百不會日午打三更遂逝茶毘舌根不壞建塔於圓照庵

善岩

按畿輔通志善岩開州人姓宋氏少習舉業不就遂厭棄塵囂落髮州之雲峰寺能詩與緡紳相唱和徧遊終南五臺武當諸勝還魏錫郡城普照寺建白雲窩繕閣經藏不窺庭宇定息十餘年一日示偈曰樹倒藤枯是去年了然無法與人傳雲收雨霽山嵐靜高古長空一月圓遂坐化有翠峰詩集行世

廣心

按廣信府志廣心號養庵上饒人姓鄭氏華山真定禪師法嗣也居家孝友一日聞客談舍生皆有物性義言下洞然決意出世禮翠峰祝髮入燕都訪辨融南詢至焦山四面禮佛夜半經行聞江中櫓聲豁然開悟遂謁華山定以雲門六不收公案驗之師當下脫然定囑曰濟宗一派古今流本分生涯六不收百尺竿頭親撒手直須海外下金鉤乃臨濟二十七世也歸信州在靈山中臺旋上峰頂見大義禪師舊址斬草重興遂禪律兼行師用無縫鎖一把挂法堂露柱上榜曰上古流傳鎖憑君智鑰開若無開鎖法相見不須來世壽八十一塔於本山唐帽峰繼嗣法席者舒州慧林本郭和尚乃養公嫡孫四祖起高和尚法子也

欽義

按列朝詩集欽義字湛懷金壇王氏子十歲出家金陵大報恩寺二十遠遊名山參謁者宿建黃曲社於堯山久之讓與同社壙鶴復歸長干不食常住糧新安汪仲嘉募金建一閣與居遂不復出禪寂之餘遊戲筆墨作倪迂小影梅花得逃禪老人筆意又善鑒別古器物賢士大夫多喜從遊因以率勸令人佛智晚年為波旬所嬈談笑敵應視析楊交臂軍持灑囊如也天啓末年元日命僧徒具湯沐浴跣趺端坐日中時辭而逝金陵周舉吉甫選其詩三十二首附慈山雪浪二老之後曰長竿三僧詩

不昧

按武進縣志不昧湖廣人居太初庵戒行精嚴淳悶若赤子一縉紳迎養欲試之飲食臥具皆令侍女給

使月餘目不一視泊如無有也終身不蓄一錢不製一衣一日無疾而逝後有鄭氏子死見冥官拱接金身羅漢既至則不昧也謂冥官曰吾受若祖父供養幸延其嗣鄭氏子死兩日復甦

通凡

按列朝詩集通凡字凡可姓丘氏嘉善人有樹下汲泉等草馮祭酒開之有贈凡可上人詩云凡公氣不凡只合住巉巖又云才多應八斗舌在可三絃蓋亦僧之負才自放者也

如慈

按太平府志如慈字古愚楚宗室師事蓮池大師萬曆間來青山謝公池欲終焉山有保和庵久蕪廢人跡斷絕慈至兀坐庵中不食者三日會樵子入山問所從來以脫粟進時鐘鼓自鳴樵子驚異聞於鄉稍葺其頽破居之自是從者日衆慈冬蔽茅焦夏臥崖洞刷石為大佛構殿其上閉關數十年不立文字不妄授人戒律惟以苦行自持見人罹災疾授記數語弗藥而瘳一日沐浴禮佛前云次午當去至期僧徒環繞果坐化

德乘

按鎮江府志德乘名一宗廣陵房氏子年三十有以姦事誣之者自腐以明遂出而參學四方遍遊天台南海少室五臺已而居金陵大微堂飯僧郡守秀水鍾某請住鶴林規復千餘年已廢古刹萬曆十七年冬合掌語衆曰今日有二人求見勿令入吾室老僧今日無暇矣頃果有二人至止之不入麗談門外忽聞歌詩曰泥牛纔出海木馬又嘶風欲解箇中語山

重水又重歌絕端坐而逝

慧秀

按列朝詩集慧秀字孤松常熟蔣氏子出家遊弔帽天台鴈宕棲仙岩之休糧庵歸老虞山陽羨之間受具足戒刺舌指血為華嚴妙華等經凡一百六十餘卷有秀道人集十二卷上人富於詞藻採擷六朝多所規擬小賦駢語時足獻酬而意象凡近殊非衲子本色昔人言僧詩忌蔬笋氣如秀道人者正惜其少蔬笋氣耳

性一

按松江府志性一字覺虛江右安福人年十五辭父入九嶷山石溪庵依師薙髮又至金陵參蓮庵受戒於無際受法於雪浪萬曆二十一年至華亭講楞嚴於本一禪院後往少陵為無言禪師立碑還鉅澤宗四家語錄移錫超果寺結西來堂休老焉四十三年秋示寂世壽五十塔於本堂之後

寬悅

按列朝詩集寬悅字耀鶴南京人薙染於普德寺優於講解兼贈才華與雪浪湛懷齊名諸方屈指南都法席悅居第三後遷居堯山馮祭酒跋悅公四十祝嘏曰白下恩公悅公俱從講入禪未免帶六朝鈴華習氣悅公住牛首幾十年相見湖上覺其眉宇間都帶冰雪四十自祝偈真本邑人語恩公一跋歷叙苦心思深語微有戒心焉吾知此兩人終能有成也悅有堯山藏草春日山中寄潘景升云千樹夕陽鳴暮鳥一谿殘雪掩柴扉於時以為佳句

圓澄

按丁元公會稽雲門湛然澄禪師行狀禪師名聞澄字湛然別號散水道人會稽夏氏子也宋英公疎之裔母夢僧而娠十有四月生七日啼不止有僧過之囑云自誓不寐止宿於此啼作麼遂不復啼長而大目昂鼻矚露齒直腸信口年十七喪父十九喪母寔甚充郵卒因錯投公牒被攝懼辱自投於江漂流數里漁者救之行澤中遇一僧目之云是能出家有大用師即求度出世往臥僧寮中有多鬼抵其牀幹屢囑之不肯去師謂山鬼伎倆止此竟軒睡旦去投玉峰師充圓頭始習文義一日入方丈求授經玉叱曰丁字不識不作苦行求甚麼經師曰尚求參悟大事何況區區文字玉異之付法華經曰此諸佛骨髓珍重熟讀自有得隨訪隱峰隱峇之時年二十往天荒山妙峰處刺柴冬無復棍通背終究未嘗就枕三年充圓頭行難行苦行往北塔寺不納遷居荒廟中五日不粒坐參不倦諸雲棲受具師此漸入於海底泥牛話及諸設說公案一切了了出語皆脫窠臼不存軌則啓關參錦堂和尚錦大實曰宗門寥落極矣再振之者非子而誰又二年一夜靜坐凝寂忽若虛空霹靂震大地須臾而甦汗出遍體如脫重荷此庚寅七月二十一日也時師年已三十矣既還越日乞食暮宿塔山金剛神脚下時大學士金庭朱公太史石簣陶公太學潘元張公同遊應天塔下寶林寺至天王殿聞駟駒聲使覺之問曰何人師曰無事僧也諸與酬問數語相謂曰語淡而味高人也揖師問依止何所師曰化飯吃倦則此地打眠耳諸公共聳靜室以居之自此囊錫漸露賢士大夫爭重之萬

曆十九年恭慈舟舟問洞上宗旨師呈偈曰五位君臣切要知箇中何必待思惟石女慣弄無絃線木偶能提化外機井底黃塵騰霧山頭白浪滾飛飛誕生本是無功用不覺天然得帝基舟曰語句綿密不落始終真當家種草也遂召入室印證即付法偈曰曹源一滴水佛祖相分付吾今授受時大地為甘露咀可乳峰前無鐵箭射得南方半個兒始從徒說法稱人天師師生而穎悟具大辯才觸事了了性不羈滯生平所為一不覆藏遇人無貴賤親故皆以本色語相鉗錘壬寅入京值逢官大師應切禪林有嚴色師以平易簡亮推重一時尋還越請開法者日益甚丙寅往顯聖一日忽呼大衆前作付囑語明智出衆禮師曰往九華師曰汝去老僧即今起程語畢復為衆語至夜分右脇示寂門人迎全身塔於寺南鉢孟之陰師生於嘉靖辛酉歲住世六十有六臘四十三有上堂開法會六初壽興寺次雲門廣孝寺次徑山觀音殿即古千僧閣次嘉興東塔寺次雲門顯聖寺次紹興天華寺講演經論會四十餘付法弟子指南明微麥浪明懷石雨明方三宜明孟爾密明泐曇茂等三十餘人其餘印心者林下水邊邇起未艾洞上逆流汪洋無既復有久依法席去而嗣臨濟稱雄彼宗者亦皆受法乳思知所報者也師於一切利益之事無不具行若築石塘自西與抵曹娥二百餘里若剡谿南下至濠而勢逼流沙停漲水勢日西蓄會稽日受築塘之苦師曰當事令剗去沙洲水乃漸伏若錢塘江涓涓茶亭若渡船若餓口施食水陸放生救命等不可勝紀

明雪 按安慶府志瑞白明雪禪師桐城楊氏子年二十薙髮九華山聞知有宗門下事往越州參雲門湛然澄澄問曰向作甚麼來師對曰持毗舍浮佛傷澄曰四大是假妄心本空阿誰拖你這死屍來師無對經七日有省忽一日聞鐘聲豁然大悟乃入皖山住靜三載編謁博山諸尊宿復歸雲門習靜蜿蜒山澄以衣鉢付之 按江西通志明雪隱贛州之崆峒建安王欽其道望請住百丈雪入院整清規時復荷鋤與作務人俱謂大智再來也崇禎辛巳三月十九遲明起浴手書偈曰來亦無一物去亦無一物若知端的意百丈花梢月擲筆吉祥而逝 明方 按浙江通志明方字石雨武塘陳氏子投法相難梁閱楞嚴我真文殊無是文殊義通身汗下參雲門澄得印授以斷拂子一柄遂號為斷拂子主寶慶過龍門戊子春示寂弟子奉其龕丈室中未幾山寇突至欲燬龍門見師龕儼然不忍俱燬昇出之竭百夫力莫能舉驚以為神捨去寺賴以存後闍維牙齒數珠不壞頂糝五色舍利 道衡 按列朝詩集道衡字方平號西吾廬山李氏子少無賴目不知書年二十賃傭於僧舍僧難讀書從旁竊聽遂能聞記稍稍知大意難染於武林與其名士交好遂遊於浙西賢士大夫機鋒捷給咸以為師子兒也嘗築室淨慈之後樟岩架屋結構精奇貴公予求

借居廟之不止縱火自焚而去久之乃爲編蓬土室門隙絕澗略約獨木度則散去人多望崖而返然性不耐岑寂少日無客至則又步履出遊矣好游族姓多譚世法雅負大志以石門紫柏爲師人謂其非衲衣事弗顧也夏五十有二病卒葬於南屏杭有能人假護法以罔利畏其舌鋒疾之如仇聞其死也以爲快毀其室而遷之杭人以此乃益知西吾也西吾少時有詩數十首不嫻格律時時有道人語中年率意應酬殊失本色余所錄者皆其少作也

性賦

按蘇州府志性祇字茂林長興人年十七捨身彌陀古院日課諸經更修苦行躬歷艱辛背踵爛無情如是十餘年參雲棲和尚再詣天台聞師受具戒而傳衣於靈谷稟師承博貫諸宗復卓錫江西雲居閣藏尋居吳報國寺登壇宣教設戒度人住寺二十五年創復寺宇爲南城叢林之冠乙亥扶病往彌陀庵講蓮花經至徑山掃塔還晤聞師臨岐舉手云君向青山住我向白雲歸至期引旛在手高聲稱佛而化

海寶

按武進縣志海寶天寧寺僧一破衲冬夏不更每入府取大衆棄餘飲食自啖日以爲常見人每唾曰死人吳向人乞錢隨手即買香燈供佛一文不入己也後坐化鄒衣白有贊化後有見其分身他郡者

斯學

按列朝詩集斯學字悅支號庚山初度於海鹽慈會寺後隱靈祐道林庵終焉與四明沈嘉則同里姚叔祥善有幻華集

賢能

按祁陽縣志賢能崑嶺尹氏子世居三吾之鐵門村六歲視髮年十八隻笠孤雲投瑞光大士於南嶽窮刀峰勉以普賢行愿攝持三年抵中湘與翰林李湘洲先生締空門友食往金陵寄跡天蓋雞鳴修懺功三載無倦遂載海舟禮普陀上燕京入南華言旋嶽麓四十年行脚了知息心達本向孤峰隱跡始還祁之行者庵棲焉弟子雲集其門晚住望溪庵入室者雖衆仁堅其白眉焉壽七十臘六十有一塔於鐵門村之故山自師開一隻眼於三吾嚮之從事鏡徒者咸轉而趨甘露法門湘以南宗風大振自崑嶺始也

祖住

按明高僧傳蘇州華山釋祖住字幻依麓亭其號也丹徒人姓楊氏母朱氏夢梵比丘入其室覺而誕師少沉密不溺世緣喜作佛事年十三父母捨入龍蟠山依朝陽和尚受法華嚴諸大部經十七雜染十九受具通曉諸經大義自謂覺識所依非關真際遂擔簋游少室依大章和尚尚五載復至伏牛依高安十二夏先後所得二師印可次游都下調松秀二法師盡得清涼宗旨淮安胡給事延住鉢池山造大藏經作水陸無違會至南京訪無極法師居第二座樵樵之暇即入衆作務事竣往京口萬壽寺演華嚴大鈔至入法界品地震天雨甘露寶華時無極率徒與焉妙峰承印二禪衲亦居座下自是道價鬱鼓叢林傾挹師智崇禮卑如常不輕提獎唱誘孜孜不倦所至皆成寶坊師演四十八願時有異人頂白冠冠有蛇四足來聽說法人怪問之對曰吾乃法冠而乃境觀

忽不見萬曆甲申趙錫蘇之蓮華峯下建精舍居之丁亥九月忽示疾語衆曰二十二日不作離散便可再展華嚴但老僧不得曲徇人情至日晨起沐浴脚跌說偈曰虛空無面目無位強安排話頭不話頭處處是如來又曰今年六十六不知做甚麼嘆諸人著眼看這箇消息佛祖到來也用他不著言訖而逝異香積時不散奉全身三日顏色若生茶罷敝遺骨塔於蓮華峰之陰壽六十有六臘五十有四王世貞作銘

常潤

按河南府志常潤字幻休江西進賢人少以弘法爲己任遍歷諸講師之門博採經典洞悉奧義乃至少林遇大章和尚究宗乘上事針芥相投遂爲入室弟子及其住持提唱得稱二十五代云

顯光

按鳳陽府志顯光名如隱叢強人萬曆間自南海來泗臥塔下洞口冬跳立雨雪中單衲不寒人供以食預知不潔即謝去病者求救師手以果啖之立愈後坐化去

古心

按江寧府志古心溧水人幼從素庵於金陵棲寶寺得法悟後往五臺山有金甲神夜報僧衆謂有法師至早迎之僧衆至中途果得師禮供上座萬曆間陳太后勅製衣鉢衆萬二千五百數勅師說戒於五臺畢仍歸棲霞開戒僧衆來從不可勝紀時三懷法師修報恩寺塔頂不能上夢神云待玻璃尊者至大蚤師至三拜而畢頂上後圓寂於古林庵塔安德門外

天龍寺

通潤

按列朝詩集通潤字一雨蘇之西洞庭人與雪山果巢松浸俱受法於雪浪恩公雪浪化後與浸公分路揚鑑大弘雪浪之道諸方皆曰果師講雨師注又曰巢雨二師雪浪之分身也雨初置鉢於廩山北秋水庵將老焉弘法以後上居鐵山面太湖負西蹟眠雲臥月絕影人間者五載疏嚴伽二經於此署爲二楞菴移住花山又移中峰示寂華焉師狀貌古樸風規閒雅樂與方內名士游處嘗自營生處處居學地與士大夫相見程孟陽喜其山居詩有山深雲亦好之句爲詩寄之曰記取山深雲亦好爲傳問訊到禪房其相賞如此

廣潤

按列朝詩集廣潤字等慈吳興人也俗姓錢氏名行道字叔達少負文藻苦吟好客名籍甚四方耿介重氣與郭曲砥悟以註誤下獄論死訟繫久之始得釋遂削髮於雲棲來遊廬山瞿子元初延居拂水之精舍遂老焉臥病載餘焚誦不輟堅坐念佛而逝葬於破山四高僧墓公長身疎眉面如削瓜薤染後遇不可意事時介介見眉睫已而舍然梵行精嚴軌範高峻每逢詞人勝流評詩鑒書奕棋度曲流連竟日孟陽爲詩悼之曰影堂月落泉鳴咽無復疎簾看奕棋其風致蓋可想見云

慧漫

按蘇州府志慧漫月里人幼出家雲隱庵二十詣雲棲受具戒究心大乘日背誦華嚴一帙博通經論嗣

法雪浪嘗演賢首教觀人稱爲巢元談萬曆間住華山構講堂佛殿編素戒趨後示寂貝葉齋

法果

按列朝詩集法果字雪山出家吳門之雲隱庵以舞象之年修瑜珈法及長悲悔遂棄去修出世法與一雨潤公巢公沒公同參雪浪大師於無錫之華藏寺浪師法道烜赫學人慕羶因熱輒思炷香爲榮名利養之計師與巢雨矢心執侍金陵之華山京口之焦山江山高秀雲水孤清往來棲息歷十餘夏相依如形影恐老聞而歎曰好學人吾兄一網打盡矣師深究大乘高操獨行見世衰法微深自保護雪浪遷化師亦繼之而巢雨之法席始盛讀師贈巢雨二章知其爲法門義虎橫絕衆流者也詩集八卷爲潤公所輯王百穀極稱之以詩言之亦當爲近代詩僧領袖巢雨輩遠不逮也

寶崖

按四川總志寶崖涪陵人幼募言不嬉戲棄家爲僧以布裹五指燒之曰信佛如此可也人以爲風疾何不治之答曰身在空耳四大五肢復何有耶投火滅身而心不壞

明河

按蘇州府志明河耽詞翰窮內外典凡南北禪講之宗古今名德之蹟靡不究心後遇二楞依之住鐵山住中峰還阜亭返華山性好經論莊騷左史手不停披口不輟講者二十餘年最後應講長干寺嘗於講期羣鶴翔空而下已還中峰示寂所著有楞伽解華嚴十門眼法華斯要

常忠

按僧元賢廬山蘊空忠禪師傳師諱常忠蘊空其號也幼失父入曹山爲沙彌及進具後嘗一瓢一衲徧遊吳楚間一日至鎮江宿古寺中寺有老僧病師視之勤甚及老僧病愈謂師曰公年少何不尋個住處浪走作麼師曰正尋住處不得耳老僧曰觀公氣格可往北方必遇明師遂渡江北行入京時小山書謝事少林來居宗鏡師嚮其道風往參之鏡曰汝來此作麼曰爲生死事大求出離耳鏡曰生死如晝夜要出離作麼師無語由是服勤二載深有所悟人莫之知惟鏡知之一日辭歸鏡付以偈曰宗鏡門下一株松不知歷夏與經冬人間未許開相識長年占斷白雲封白雲封日正紅一枝迸出笑春風一日去遊覆船山有一靜主菜爲風所咬食甚憂之師謂曰我在北方學得個斷風法今爲汝斷之乃曳杖入園中說偈曰靜主數莖菜培植甚艱難諸風宜回互相邀過別山以杖卓三下鼠患永絕自是聲光漸著遂往廬山結茅以居一士人大奇之爲構庵於廬山庵成而衆日集師動作弗劬冬夏惟一衲百結千綴垂四十秋將示寂先三日謂衆曰我三日後要往北方去汝等不可他往衆食日和尚年尊如何又要北方去師曰有個未了底在及期早粥罷取水漱口將宗鏡所付偈封送峨峰遂端坐而瞑侍僧大呼師復張目問曰作麼侍僧曰和尚也須說個偈去師舉手彈指曰說偈竟遂寂茶毘得真珠頂骨諸牙不壞瘞於廬山後移寶方建塔於廬山之麓表建化之地也

正傳

按宜興縣志幻有禪師名正傳溧陽人呂氏子也因感香山小說思出家年二十二從樂庵剃髮尋至京師謁笑巖禪師得大悟復在五臺山靜修一十三年會太常鶴徵唐公問道五臺見師如宿契懇師南還駐錫龍池大振禪風今院中有唐鶴徵及師塑像

正道

按河南府志正道字無言新建胡氏子初祝髮於上藍寺嗣受戒於無盡和尚徧參諸方至少林得法於幻休澗公澗公座問如何是洞上家風澗公曰月下三花樹峰前雙桂枝又問曰和尚還有麼曰惟此一事實師於言下大悟即呈偈曰雲橫峰頂月鎖幽巖木人拊掌石女舒顏澗公印可會少林虛席縣請祠部署道住持領衆十九載陞座二次或普說或小參莫不推彼疑城登之覺岸周藩皈依爲造溪南隱居云

慧嘉

按河南府志慧嘉字心月世籍滿城劉氏子淳誠企道幼稔安禪落髮於普濟昇公參究於慈雲松谷諸鉅衲偶閱傳燈錄元沙答僧無縫塔恍然有悟遂謁少林道公爲弟子揮霍世緣希微寂理實曰能之久思北邁道公送以偈曰密法無法付當傳何以傳無傳無付處明暗妙同參尋匿燕野玉光寺蓄髮深腆緇素聚心會道公示寂邑之人遵故事請續宗門師躋位宣敎弘道演法且遊好寡情土木適性說法談經據實敷義不肯作一綺語威儀棣棣每登壇揮塵萬衆肅然遠近慕學總以明心見性語之教絕旁落學俱許可取諸舉似使之大達而已初三原焦公原

溥以名直指惠少林數月公授宗學欽遵承響盡力倡導公滅後爲撰碑自比裴休云

慧經

按僧元賢書曰無明和尚行業記無明禪師名慧經字無明撫州崇仁裴氏子生而穎異九歲入鄉校問其師曰浩然之氣是箇甚麼師無以應年十八遊上清慨然有天際真人之想遂棄筆硯斬華酒決出世志時邑有蘊空忠禪師佩小山老人密印隱於廩山明往從之執侍三載柔退緘默喜怒不形嘗疑金剛經四句偈一旦見傳大士頌曰若論四句偈應當不離身忽覺身心蕩然因述偈有本來無一字徧界放光明之句後益披尋梵典默符心得自謂泰然廩山聞之曰宗眼不明非爲究竟明達問如何是宗眼山拂衣而起心甚疑之繼得五燈會元讀之是諸祖悟門茫然自失思前所得總皆不似乃請益於山山曰老僧實不知汝但自看取由是愈增迷悶晝夜兀兀然若無聞見者衆咸謂其患癡凡八閱月一日見僧問興善寬曰如何是道寬曰大好山忽豁然朗悟如夢初醒信口占偈曰欲參無上菩提道急急疏通大好山知道始知山不好翻身跳出祖關關入方丈通所悟山曰悟即不無却要受用得著不然恐祇是求銀禪也時年二十有四冬辭廩山結茅於峨峯林樹幽險虎豹縱橫人跡罕至師孑然獨居形影相弔食弗充則雜樹葉野菜啖之嘗大雪封路竟絕食者數日一夕山境喧甚聲若崖崩林谷震動俄若衆馬爭馳直抵庵後師不覺驚起因憶廩山之囑乃曰小境尚動况生死乎即起然燈信手袖會元一卷閱之

正值珪禪師爲嶽神受戒章珪謂嶽神曰汝能害空與汝乎忽廓然無畏山境遂寂乃曰聖人無死地今日果然述偈呈廩山曰透徹乾坤向上關眉毛不與眼相參聖凡生死俱拋却管甚前三與後三廩山曰此子見地超曠他日弘揚佛祖之道吾不如也向未薙髮或勸之師曰待具僧相乃爾至是始請廩山到峨峯薙落受具師生而孱弱如不勝衣及住山日暮百丈之風不顧形骸極力砥礪晝則鑿山開田不憚勞苦夜則柴門不掩獨行岡上迄五鼓始息率以爲常萬曆戊戌歲住寶方難臨廣衆不以師道自居日率衆開田齊甫畢已荷鋤先之矣時有志於禪者日漸集庚子春師自以未及徧參爲歉乃西登匡廬迴流上武昌歷荆襄復北走中原訪無言宗主於少林主大賞識之遂留過夏每見當道攜推舉故兵道劉公以煥司李熊公尚文等爭延禮之尋歸明年復東遊兩浙泛三吳乃北渡江抵五臺訪瑞峰老人於宰殺溝賓主相得有如舊識居久之下臺山入燕都講肆宗席靡不徧歷至是師之心亦倦游吳乃旋寶方癸卯始開堂時衆謂師必嗣少林或臺山及片香拈出乃嗣廩山衆人大服時舉弟子原來爲第一座師資雅合元唱元提四方聞風而至者絡繹於道挂塔常數千指乙巳重建寶方戊申春建陽傳震南剎史請師歸就董巖堂結制聽法者幾二千人冬回寶方明年春遷壽昌率衆開田未嘗少倦數載之間重建一新莊嚴偉麗甲於江右丁巳臘月七日晚自田中歸謂衆曰田中之事汝等善爲之老僧不復徇石也衆愕然十八日示微恙元且猶上殿祝聖十五日